

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09) i čl. 37. i 43. Zakona o državljanstvu Bosne i Hercegovine ("Službeni glasnik BiH", br. 4/97, 13/99, 41/02, 6/03, 14/03, 82/05, 43/09, 76/09 i 87/13), ministar civilnih poslova Bosne i Hercegovine donosi

**UPUTSTVO  
O NAKNADNOM UPISU ČINJENICE ROĐENJA I  
ČINJENICE DRŽAVLJANSTVA U MATIČNE KNJIGE  
LICA KOJA SU DRŽAVLJANSTVO BOSNE I  
HERCEGOVINE STEKLA PO PROPISIMA REPUBLIKE  
BOSNE I HERCEGOVINE**

Član 1.

(Predmet Uputstva)

- (1) Uputstvom o naknadnom upisu činjenice rođenja i činjenice državljanstva u matične knjige lica koja su državljanstvo Bosne i Hercegovine stekla po propisima Republike Bosne i Hercegovine (u daljem tekstu: Uputstvo), utvrđuje se način i postupak naknadnog upisa činjenice rođenja i činjenice državljanstva u matične knjige lica koja nisu upisana u matične knjige u Bosni i Hercegovini (u daljem tekstu: BiH), a koja su stekla državljanstvo BiH u skladu sa Zakonom o državljanstvu Bosne i Hercegovine ("Službeni list RBiH", broj 30/96 - Prečišćeni tekst), i to:
  - a) porijeklom,
  - b) rođenjem na teritoriji BiH,
  - c) naturalizacijom i
  - d) po sili zakona, član 30. Zakona o državljanstvu Bosne i Hercegovine ("Službeni list RBiH", broj 30/96 - Prečišćeni tekst).
- (2) Propisuje se obrazac zahtjeva za naknadni upis koji čini sastavni dio ovog uputstva.

Član 2.

(Dokazi o ispunjenosti uvjeta)

- (1) Uz zahtjev za naknadni upis, lice koje je steklo državljanstvo BiH porijeklom dužno je priložiti dokaze da ispunjava uvjete za naknadni upis činjenice državljanstva porijeklom (dokaz o identitetu, izvod iz matične knjige rođenih, uvjerenje o državljanstvu roditelja i drugi dokazi).
- (2) Uz zahtjev za naknadni upis, lice koje je steklo državljanstvo BiH rođenjem na teritoriji BiH prilaže dokaz o identitetu, izvod iz matične knjige rođenih i dokaze da su oba njegova roditelja nepoznata ili su nepoznatog državljanstva ili su bez državljanstva.
- (3) Uz zahtjev za naknadni upis, lice koje je steklo državljanstvo BiH naturalizacijom dužno je priložiti dokaz o identitetu, izvod iz matične knjige rođenih i rješenje o sticanju državljanstva BiH naturalizacijom.
- (4) Državljan bivše SFRJ koji su stekli državljanstvo BiH po sili zakona (*ex lege*), po osnovu prebivališta u BiH na dan 06. aprila 1992. godine, dužni su uz zahtjev za naknadni upis priložiti: dokaz o identitetu, izvod iz matične knjige rođenih, dokaz o državljanstvu SFRJ i ispravu kojom dokazuju prebivalište u BiH na dan 06. aprila 1992. godine, izdatu od strane nadležnog organa na osnovu evidencije o prebivalištu građana BiH.
- (5) Kao dokaz o državljanstvu SFRJ lice prilaže jedan od sljedećih dokaza:
  - a) uvjerenje o državljanstvu,
  - b) pasoš,
  - c) lična karta,
  - d) vojna knjižica,
  - e) broderska knjižica, kao i druge dokumente izdate od strane nadležnih organa bivše SFRJ.

- (6) U slučaju kada zahtjev za naknadni upis u matičnu knjigu podnosi lice čiji je barem jedan roditelj stekao državljanstvo BiH po osnovu prebivališta u BiH na dan 06. aprila 1992. godine, a koje je tada bilo maloljetno i kojem dokaz o prebivalištu nije dostupan ili ga ne može pribaviti, prebivalište se utvrđuje na osnovu prijavljenog prebivališta roditelja i na osnovu drugih dokaza, u skladu sa članom 38. stav (5) Zakona o državljanstvu Bosne i Hercegovine. Drugi dokazi koji se u postupku naknadnog upisa u matičnu knjigu, za ovu kategoriju lica, mogu uzeti za utvrđivanje ispunjenosti uvjeta koji se odnose na prebivalište su: dačka knjižica, zdravstvena knjižica, kućna lista, izjava lica koje podnosi zahtjev za naknadni upis, izjava člana porodice i drugo.

- (7) Državljan bivše SFRJ koji su stekli državljanstvo BiH po sili zakona (*ex lege*), po osnovu prebivališta u BiH na dan 06. aprila 1992. godine, smatraju se državljanima BiH od 06. aprila 1992. godine, a lica koja su stekla državljanstvo BiH porijeklom i rođenjem na teritoriji BiH smatraju se državljanima BiH od dana njihovog rođenja.

Član 3.

(Organ kojem se podnosi zahtjev)

- (1) Zahtjev za naknadni upis podnosi se nadležnom organu jedinice lokalne samouprave entiteta i Brčko distrikta BiH (u daljem tekstu: nadležni organ) prema prebivalištu, odnosno boravištu podnosioca zahtjeva.
- (2) Ako podnosilac zahtjeva nije nikada imao prebivalište ili boravište u BiH, zahtjev se podnosi nadležnom organu prema posljednjem prebivalištu roditelja podnosioca zahtjeva.
- (3) Ako nije moguće utvrditi posljednje prebivalište roditelja podnosioca zahtjeva u BiH, zahtjev se podnosi nadležnom organu prema mjestu upisa činjenica rođenja ili državljanstva roditelja u matične knjige.
- (4) Lica koja su već upisana u matične knjige rođenih na teritoriji BiH zahtjev za naknadni upis činjenice državljanstva, podnose nadležnom organu prema mjestu upisa u matične knjige rođenih, odnosno nadležnom organu u drugom entitetu ako lice ispunjava uslove za državljanstvo drugog entiteta.

Član 4.

(Odlučivanje o zahtjevu)

- (1) O zahtjevima za naknadni upis odlučuje nadležni organ iz člana 3. i u skladu sa rješenjem kojim je odobren naknadni upis isti vrši u matičnu knjigu.
- (2) Nadležni organ dužan je dostaviti Ministarstvu civilnih poslova BiH (u daljem tekstu: Ministarstvo) primjerak rješenja o naknadnom upisu sa kopijom spisa predmeta na osnovu koje je doneseno rješenje.
- (3) Rješenje o naknadnom upisu sa priložima dostavlja se Ministarstvu odmah, a najkasnije u roku od 3 dana od dana donošenja.
- (4) Ukoliko Ministarstvo smatra da nisu ispunjeni uvjeti za naknadni upis, o tome u pisanoj formi obavještava nadležni organ u roku od 30 dana od dana prijema rješenja.
- (5) Obavještenje sadrži mišljenje o načinu primjene Uputstva u konkretnom slučaju.

Član 5.

(Službena evidencija)

Jedinstvenu bazu podataka o naknadnom upisu u matičnu knjigu rođenih, koji su stekli državljanstvo RBiH u skladu sa Zakonom o državljanstvu Republike Bosne i Hercegovine, vodi Ministarstvo.

## Član 6.

(Nadzor nad primjenom Uputstva)

Nadzor nad primjenom ovog uputstva vrše Ministarstvo i nadležni organi u okviru svoje nadležnosti.

## Član 7.

(Okončanje ranije započetih predmeta)

Predmeti naknadnog upisa koji su započeti na osnovu ranijeg Uputstva, završit će se u skladu sa tim uputstvom.

## Član 8.

(Prestanak važenja ranijeg Uputstva)

Danom stupanja na snagu ovog uputstva prestaje da važi Uputstvo o naknadnom upisu u matičnu knjigu rođenih koji su

stekli državljanstvo RBiH u skladu sa zakonom o državljanstvu Republike Bosne i Hercegovine ("Službeni glasnik BiH", br. 27/00 i 57/09).

## Član 9.

(Stupanje na snagu Uputstva)

Ovo uputstvo stupa na snagu osmog dana od dana objavljivanja u "Službenom glasniku BiH".

Broj 06-1-30-2-759/16

5. aprila 2016. godine

Sarajevo

Ministar

Mr. **Adil Osmanović**, s. r.\_\_\_\_\_  
(Prezime i ime podnosioca zahtjeva)\_\_\_\_\_  
(Naziv organa kojem se zahtjev podnosi)\_\_\_\_\_  
(Adresa prebivališta)**ZAHTJEV ZA NAKNADNI UPIS****PODACI O PODNOSIOCU ZAHTJEVA:**\_\_\_\_\_  
(Prezime i ime)\_\_\_\_\_  
(Datum, godina i mjesto rođenja)\_\_\_\_\_  
(Ranije državljanstvo)\_\_\_\_\_  
(Jedinstveni matični broj)**PODACI O RODITELJIMA:**\_\_\_\_\_  
(Prezime i ime oca)\_\_\_\_\_  
(Datum, godina i mjesto rođenja)\_\_\_\_\_  
(Državljanstvo oca)\_\_\_\_\_  
(Jedinstveni matični broj)\_\_\_\_\_  
(Prezime i ime majke)\_\_\_\_\_  
(Datum, godina i mjesto rođenja)\_\_\_\_\_  
(Državljanstvo majke)\_\_\_\_\_  
(Jedinstveni matični broj)**PRAVNI OSNOV ZA NAKNADNI UPIS U MATIČNE KNJIGE:**

- a) Porijeklo
- b) Rodenje na teritoriji BiH
- c) Naturalizacija
- d) Po prebivalištu u BiH na dan 06. aprila 1992. godine

**DOKAZI:** \_\_\_\_\_

\_\_\_\_\_

\_\_\_\_\_

\_\_\_\_\_  
Podnosilac zahtjeva

Na temelju članka 61. stavak (2) Zakona o upravi ("Službeni glasnik BiH", br. 32/02 i 102/09) i čl. 37. i 43. Zakona o državljanstvu Bosne i Hercegovine ("Službeni glasnik BiH", br. 4/97, 13/99, 41/02, 6/03, 14/03, 82/05, 43/09, 76/09 i 87/13), ministar civilnih poslova Bosne i Hercegovine donosi

**NAPUTAK**  
**O NAKNADNOM UPISU ČINJENICE ROĐENJA I**  
**ČINJENICE DRŽAVLJANSTVA U MATIČNE KNJIGE**  
**OSOBA KOJE SU DRŽAVLJANSTVO BOSNE I**  
**HERCEGOVINE STEKLE PO PROPISIMA REPUBLIKE**  
**BOSNE I HERCEGOVINE**

Članak 1.

(Predmet Naputka)

- (1) Naputkom o naknadnom upisu činjenice rođenja i činjenice državljanstva u matične knjige osoba koje su državljanstvo Bosne i Hercegovine stekle po propisima Republike Bosne i Hercegovine (u daljnjem tekstu: Naputak), utvrđuje se način i postupak naknadnog upisa činjenice rođenja i činjenice državljanstva u matične knjige osoba koje nisu upisane u matične knjige u Bosni i Hercegovini (u daljnjem tekstu: BiH), a koja su stekla državljanstvo BiH sukladno Zakonu o državljanstvu Bosne i Hercegovine ("Službeni list RBiH", broj 30/96 - Prečišćeni tekst), i to:
  - a) podrijetlom,
  - b) rođenjem na teritoriju BiH,
  - c) naturalizacijom i
  - d) po sili zakona, članka 30. Zakona o državljanstvu Bosne i Hercegovine ("Službeni list RBiH", broj 30/96 - Prečišćeni tekst).
- (2) Propisuje se obrazac zahtjeva za naknadni upis koji čini sastavni dio ovog naputka.

Članak 2.

(Dokazi o ispunjenosti uvjeta)

- (1) Uz zahtjev za naknadni upis, osoba koja je stekla državljanstvo BiH podrijetlom dužna je priložiti dokaze da ispunjava uvjete za naknadni upis činjenice državljanstva podrijetlom (dokaz o identitetu, izvod iz matične knjige rođenih, uvjerenje o državljanstvu roditelja i drugi dokazi).
- (2) Uz zahtjev za naknadni upis, osoba koja je stekla državljanstvo BiH rođenjem na teritoriju BiH prilaže dokaz o identitetu, izvod iz matične knjige rođenih i dokaze da su oba njezina roditelja nepoznata ili su nepoznatog državljanstva ili su bez državljanstva.
- (3) Uz zahtjev za naknadni upis, osoba koja je stekla državljanstvo BiH naturalizacijom dužna je priložiti dokaz o identitetu, izvod iz matične knjige rođenih i rješenje o stjecanju državljanstva BiH naturalizacijom.
- (4) Državljan bivše SFRJ koji su stekli državljanstvo BiH po sili zakona (*ex lege*), po osnovu prebivališta u BiH na dan 6. travnja 1992. godine, dužni su uz zahtjev za naknadni upis priložiti: dokaz o identitetu, izvod iz matične knjige rođenih, dokaz o državljanstvu SFRJ i ispravu kojom dokazuju prebivalište u BiH na dan 6. travnja 1992. godine, izdanu od strane nadležnog tijela na temelju evidencije o prebivalištu građana BiH.
- (5) Kao dokaz o državljanstvu SFRJ osoba prilaže jedan od sljedećih dokaza:
  - a) uvjerenje o državljanstvu,
  - b) putovnica,
  - c) osobna iskaznica,
  - d) vojna knjižica,
  - e) broderska knjižica, kao i druge isprave izdane od strane nadležnih tijela bivše SFRJ.

- (6) U slučaju kada zahtjev za naknadni upis u matičnu knjigu podnosi osoba čiji je barem jedan roditelj stekao državljanstvo BiH po osnovu prebivališta u BiH na dan 6. travnja 1992. godine, a koje je tada bilo maloljetno i kojem dokaz o prebivalištu nije dostupan ili ga ne može pribaviti, prebivalište se utvrđuje na temelju prijavljenog prebivališta roditelja i na temelju drugih dokaza, sukladno članku 38. stavak (5) Zakona o državljanstvu Bosne i Hercegovine. Drugi dokazi koji se u postupku naknadnog upisa u matičnu knjigu, za ovu kategoriju osoba, mogu uzeti za utvrđivanje ispunjenosti uvjeta koji se odnose na prebivalište su: dačka knjižica, zdravstvena knjižica, kućna lista, izjava osobe koja podnosi zahtjev za naknadni upis, izjava člana obitelji i drugo.
- (7) Državljan bivše SFRJ koji su stekli državljanstvo BiH po sili zakona (*ex lege*), po osnovu prebivališta u BiH na dan 6. travnja 1992. godine, smatraju se državljanima BiH od 6. travnja 1992. godine, a osobe koje su stekle državljanstvo BiH podrijetlom i rođenjem na teritoriju BiH smatraju se državljanima BiH od dana njihovog rođenja.

Članak 3.

(Tijelo kojem se podnosi zahtjev)

- (1) Zahtjev za naknadni upis podnosi se nadležnom tijelu jedinice lokalne samouprave entiteta i Brčko distrikta BiH (u daljnjem tekstu: nadležno tijelo) prema prebivalištu, odnosno boravištu podnositelja zahtjeva.
- (2) Ako podnositelj zahtjeva nije nikada imao prebivalište ili boravište u BiH, zahtjev se podnosi nadležnom tijelu prema posljednjem prebivalištu roditelja podnositelja zahtjeva.
- (3) Ako nije moguće utvrditi posljednje prebivalište roditelja podnositelja zahtjeva u BiH, zahtjev se podnosi nadležnom tijelu prema mjestu upisa činjenica rođenja ili državljanstva roditelja u matične knjige.
- (4) Osobe koje su već upisane u matične knjige rođenih na teritoriju BiH zahtjev za naknadni upis činjenice državljanstva, podnose nadležnom tijelu prema mjestu upisa u matične knjige rođenih, odnosno nadležnom tijelu u drugom entitetu ako osoba ispunjava uvjete za državljanstvo drugog entiteta.

Članak 4.

(Odlučivanje o zahtjevu)

- (1) O zahtjevima za naknadni upis odlučuje nadležno tijelo iz članka 3. i sukladno rješenju kojim je odobren naknadni upis isti vrši u matičnu knjigu.
- (2) Nadležno tijelo dužno je dostaviti Ministarstvu civilnih poslova BiH (u daljnjem tekstu: Ministarstvo) primjerak rješenja o naknadnom upisu sa preslikom spisa predmeta na temelju kojeg je doneseno rješenje.
- (3) Rješenje o naknadnom upisu sa privicima dostavlja se Ministarstvu odmah, a najkasnije u roku od 3 dana od dana donošenja.
- (4) Ukoliko Ministarstvo smatra da nisu ispunjeni uvjeti za naknadni upis, o tomu u pisanoj formi obavještava nadležno tijelo u roku od 30 dana od dana prijema rješenja.
- (5) Obavijest sadrži mišljenje o načinu primjene Naputka u konkretnom slučaju.

Članak 5.

(Službena evidencija)

Jedinstvenu bazu podataka o naknadnom upisu u matičnu knjigu rođenih, koji su stekli državljanstvo RBiH sukladno Zakonu o državljanstvu Republike Bosne i Hercegovine, vodi Ministarstvo.